

松陰詩集

吉田義卿著 上

御子神文庫

第 第 共

二


冊 號 函

柳田文庫

文庫11

A1254

1



文庫11  
A.1254

吉田義卿著

全部二卷

松陰詩集

尊攘堂藏版

字補

御子神藏書

風霜

蘇仁題

柳田泉文庫

松陰詩集序

嗚呼此集。吾曾祖府君松陰先生。畢生忠肝義膽。所注露也。先生遭多難之世。慷慨憂國。反觸忌諱。囚囹圄者。前後數年矣。其間所著文集六卷。既梓行。而猶有詩集二卷。凡古今體合三百餘首。皆根於忠義之誠。滿腔憂憤。觸景感物。衝口而出。一氣呵成之。不尚彫琢華麗。而句之雅健。字之穩妥。不失古詩人之意。則所謂身愈窮。而詩愈工者歟。懦夫誦之。可以興起。烈士讀之。

益壯其志焉。雖然先生非因詩而傳者。詩得先生而傳焉耳。固非彼遊山水花卉間。以詩囊之膨脹。自誇者之比也。頃者校正附剗。將以頌世之慕先生者。嗚呼。讀此集者。感先生平生忘身勤王之忠義。無背古人尚友之意。則先生當莞爾于地下耳。癸未神武天皇祭日前二夕。撰於東京二松齋之寓窓。

曾孫 吉田寬

例言

一此篇本雖以歲月分次序。或有前後紛淆與時事相齟齬者。今又不得悉改。姑存其舊焉。

一此篇有諸家評點。而獨存評語刪批點者。務從簡也。

一細註不記名者。先生自註也。其他皆記名以別之。如昭按等是也。

一年月之久。字句磨滅。加以諸家評點雜入原文。間有不可辨其真者。則今私意度量改寫之。盖非無誤失。讀者幸諒焉。

明治十六年五月

曾孫吉田寬謹識



松陰詩集卷之上

長門 吉田義卿 著

御子神藏書

出獄歸國之間雜感五十七解


甲寅歲九月十日

二十四日歸國

去年雲外鶴今日籠中雞。人事何嘗定。皇天甚不齊。

去年九月十八日、西遊發江戸象山翁送詩云、孤鶴橫秋、是今年八月十八日、在江戸獄、思去年事、步送詩韻、示翁、翁詠國風云、加久斗志茂、志羅傳也、去年乃古能、吳呂者、幾味越、曾良由久田鶴仁、多斗遍志、及九月十八日出獄、搢輿歸邸、途中有此作、

推枕窺窻戶。朝暉晴色新。大陽無私照。亦及縲紲人。礮聲知何處。霹靂欲震天。將斯猛烈勢。那脫盛頓船。



愛石環享書

何處演武場。螺聲雜鼓聲。操練難得實。何年見有成。  
側枕聽人語。語語欲斷腸。當斯天蹶際。無人嘆興亡。  
賦稟隨風土。南強異北強。語聲溫柔甚。威武恐不揚。  
已上在郎獄而作

多難勞厝議。大號羅群才。守禦遂無策。唯看堡堞堆。

以下並歸國道中所得。○過品川見築砲臺。

匈奴內侵急。誰是霍嫫姚。憂來歌悲曲。人言我宣驕。  
虜勢日猖獗。如川之方增。誰應登壇舉。撻伐快膺懲。  
去年策急務。于今不見收。忽聞浪華警。驚嘆不堪憂。  
去年予作急務策言上國守備單弱浪華宜嚴備事松浦竹四郎携至京師智恩院臣池內大學採以作



攘夷論至江戶建言而至今不見施行發江戶日聞浪華警為之愕然

白玉摩蒼穹。巍然芙蓉峯。神州不二岳。萬古為誰容。  
輿窓望富岳。三峰白玉寒。相對將永訣。拭眸仔細看。  
照炬越函嶺。駕肩度渭江。脩途俘亦可。貽勦卧輿窓。  
甲軍彪鬪甚。戰敗三方原。名將辛苦地。千古口碑存。  
見附有便道土人云德川公三方原之敗從此道走濱松

龍水來從信。無情却有情。欲問故人事。唯為激怒聲。  
度天龍川象山翁信濃人故云

尾勢隔海連。藝田對山田。神器存萬古。護衛要完全。  
度桑名灣亦急務策中所論

殘楓映夕日。山瘠石欲危。画師擲筆處。忽然動詩思。

伊勢鈴鹿有狩野古法眼棄筆山

東夷昔猖獗。掃蕩奏偉勲。拊髀今正切。人思田將軍。

田村麻呂祠

帝京從此近。宸遊非巨為。若令漢武在。乃是昆明池。

近江湖水

京儒不好武。文墨徒窮年。借問浪華變。新詩成幾篇。

邊圉備未完。邦國用先窮。黠虜或忤視。何用終伐功。

過備前岡山。聞藩承幕命。成房川。國用為殫。泉貨甚少。

四十又八坂。升降人馬艱。輿窓時獨咲。見得周防山。

安藝四十八坂

少年有所志。題柱學馬卿。今日檻輿返。是吾畫錦行。

過明木橋。橋在去菽二里。予幼時過此。戲題司馬相如題昇仙橋語。今又過此。思之慨然。

人情如雲霧。東西唯任風。寸心向誰訴。祇應質天翁。

諸葛吟梁甫。夷齊歌采薇。青山隨處在。心事未全違。

長路三百里。俘囚一檻輿。座卧何患窄。亦是容膝廬。

圓天上為蓋。方地下為輿。俯仰不跼蹐。即是君子居。

癡憂無人識。情思鬱不舒。雙髮如麻亂。棄捐不復梳。

勇往踏至險。挫折豈顧軀。假得狂愚毀。勝沒名利區。

俛伏出跨下。竇卷置廁中。烈夫不厭屈。隱忍成大功。

報效抱素志。籌略嘆菲才。菲才或致敗。素志終不摧。  
愛才世誰在。未遇平原君。偉勲不可許。且成不朽文。  
長江流不盡。衮衮來自源。有本皆如是。擬以報君恩。  
才疎志漫大。意廣學欠精。一事聊違俗。適得博虛名。  
人生如草露。辛艱何足虞。勿顧一朝苦。遂空千歲圖。  
君恩遂未酬。蹉跎為俘囚。國家有為日。自慙面友儔。  
輕肥非所願。垢汙亦何患。一身付天地。萬事都等閒。  
書生滿天下。性理拆毫毛。同甫死去後。誰復學饒豪。  
夢裏常憂國。醒餘忽思家。閱過萬山水。未有動詩魔。  
功名不長在。漢水何西流。人生貴適意。何苦為俘囚。

賣劍買青山。斂踪混漁樵。夢斷驚客夜。客夜何遙遙。  
紛紛輕薄子。百喙任其嘲。猶喜夢寐裡。却得逢故交。  
輿中閑無事。思古感慨多。尋河張博望。標柱馬伏波。  
絲肉隣樓沸。孤囚對燈青。解釋屈子怨。眾醉吾獨醒。  
故國山河隔。風光驚客心。返照映紅葉。氣岑楓樹林。  
都將韜略言。一抹為虛譚。兵法貴知彼。而不用哨探。  
夷吾舉囚繫。膠鬲舉魚塩。天意或有在。拂亂非可厭。  
偉績未能忘。夢想轉不凡。昨夜大平海。快風懸布帆。  
思疎誤至計。心事都相乖。男兒勿徒死。虎豺皮尚埋。  
大樹將顛仆。一繩非可維。且除北園棘。盛植桃李枝。



志遂為俊士。計蹶為囚奴。俗子難與議。成敗論丈夫。去年辭父母。心誓不復還。計違亦自好。又得拜慈顏。

道中固不計歸國又繫獄也故其言如是

王陽為孝子。王尊為忠臣。世路逢九折。踟躕思君親。築卒入君夢。漁父兆元龜。天意未至是。鄒叟作書時。逸氣隘神州。乃欲究五洲。可憐蹉跌後。一室為孤囚。伏鑽取將相。當誅為儒宗。古今殊所宜。昔賢不可踪。無限心上事。一夕附小詩。詩成那須記。心上祇自知。去年九月十八日。出江戶獄。與象山翁訣。同澁生檻輿送國。時澁生病篤。氣息偃偃。予有所思。輒綴

為五言四句。夜則語澁生。澁生忼慨忘病者數矣。比到國。積至五十七解。今也澁生長逝。象山無一字往來。偶獲之。故紙中。愴然久之。乙卯正月念二。松陰生識。

實際出真詩。如加圈十餘篇。經屈宋不包。如此而已耳。安政丁巳三月望。伊勢土井有恪讀了。妄批。

和歌

誰謂情可書。盡言非尺牘。以事張之。筑紫北友人。不遣一侍系。

もれれゆひ。筑紫の道に。いとあゝのき。みちかきぬ  
まふ。以のてつき南。

又下一轉語曰。

ゆのおまひ。法きすいつたふ。津紫をとも。たれふ  
あゝろを。あゝ人そ知。

寄玉木叔父

名韞、字臧甫、  
稱文之進

八汐路を。輒くわたふ。ゆろあゝの。海乃城をふ。あ  
くてをゆを也。

立春後作。寄家兄。

名修道、字伯教、  
稱杉梅太郎

旭さけ。軒端乃雪も。消ふけり。あゝ故郷に。梅やさ

くらん。

送岡田以伯

浦をまゝ。心のゆゑに。踏行らん。春乃東に。山の露  
をば。

祝彦介加冠

玉木正弘、字教  
甫、臧甫翁男

今日をりそ。おさあ心は。打捨て。人とありあゝ。  
道を踏か。

謝大藤従母惠餅

十二月廿四日

浦とのほど。祝ひ初めし。鏡餅。君の心は。照してそ  
みる。

荅家大兄 同日

大それらの惠を以て。遍より。人屋乃窓も。照る朝  
北日。  
文うつと。研の氷。解ふけり。梅あき家も。春々立ち  
ぬふ。

甲寅

次富永韻

富永詩有懷室家之意故翻之  
富永德字有隣稱弼兵衛

蠟屐青筇彼一時。世途何必恨依遲。無室無家流落  
客。天涯那處莫相知。

又

世上浮沈如捕風。不知若箇是英雄。陰房寂寂無人  
訪。古往今來道自通。

詠史八首

因讀靖獻  
遺言而作

屈原

秦國情不測。張儀多詭詞。懷王聽不聰。上官逞忌猜。  
內為姦邪擾。外為強敵窺。國事日益非。愁思乱如絲。  
宗臣不得君。偷生尚為誰。懷石沉汨羅。汨羅千古悲。

口羽憂菴曰。國事十字。包括離騷千百言。讀去欲  
悲死。○浮屠月性曰。屈原猛省地下。○憂菴曰。八首  
中。余以此篇為傑作。○又曰。國事二句。讀之  
不垂淚者。非憂世之人。○又曰。余以國事日益非。愁  
思乱如絲。為題其詩云。浮雲蔽白日。萬古思悠悠。  
素飡糜君祿。我罪訴無由。園林夏木鬱。紅葵照人

愁在苒日月逝優柔長敵謀雜念如蠅集作詩寫  
隱憂○月性云結未颯衰○釋默霖云義卿已為  
天下死者焉不知屈  
原之情乎詩亦妙

諸葛亮

吾觀三代下。無如忠武侯。將略演陣圖。巧思及木牛。  
豪氣吞吳蜀。精忠報國讎。娶婦正得醜。明罰足服仇。  
細大與精粗。豈特管樂儔。尤憐出師表。大義揭千秋。

憂菴云古雅○月性云詩亦  
正々堂堂猶如此公陣法

陶潛

龔勝拒莽官。夷齊恥周粟。聖賢道自同。高義耀紀錄。  
王者遂不死。帝緒難復續。身是宰輔後。寧為不義辱。

叢菊帶露鮮。寒松侵雪綠。潯陽人久亡。至今照人目。

默霖云高義句尤妙此老  
自著高士傳列二十余人

顏真卿

出入四朝臣。威望振寰宇。入在朝廷間。輒不容宰輔。  
及其陷於賊。賊欲延為主。逆賊與奸權。視公如貔虎。  
公兄曰杲卿。罵死餘勇賈。噫如公兄弟。雙美高千古。

文天祥

德祐已西遷。景炎亦尋崩。尚有度宗子。誓欲謀隆興。  
事敗遂為執。苦節霜雪凌。月性云夫弘範與博羅。欲  
屈終不能。默霖云五一篇正氣歌。忠義到今稱。誰言

成何功。永垂臣子繩。

謝枋得

對策詆時宰。毀家當邊儲。國亡却元薦。志厲詞容與。雪松愈青々。疊山老真儒。吾曾讀公選。玩索意有餘。諸葛出師表。澹菴斬檜書。想公采錄時。其意定如何。

月性曰枋得知己。○默霖曰尤能咏人。○憂菴曰讀謝選思至是者不多得。

劉曰

保定古幽冀。沒胡且百年。可憐此間民。不知其所天。尚含故地氣。肯混羯狗羶。屢召不可屈。處士節乃全。默霖云妙得時行道者。顯榮世稱賢。燕哥一曲耳。薰

猶千古傳

方孝孺

莫慘燕逆誅。莫烈希直節。坐死千余人。親旧盡時傑。慰喻不草詔。哭罵割其舌。公文時有禁。極天不可滅。永樂篡大全。精金映鑛缺。正學雖死矣。種子未嘗絕。

大全言永樂三大全也。

月性云語氣凜々字挾風霜。○默霖云義卿假他人發自己之意者。

時調尚纖巧。解作此等者。天下唯我吉田兄一人而已矣。  
月性妄評

默霖云。僕最喜咏史。然不喜輒弱詩。人詩此八

首氣象豪壯。各盡其態。請獄中讀史。有感于其人。必咏之。積之。褒然為卷。敢乞敢乞。

僕亦喜作咏史。終不免山陽餘唾。今此八首。調古音壯。直逼漢魏。為之靦然。

梅核生口羽琦

乙卯安政二年

正月元日

天王寶曆值元正。風雪朝來擊戶鳴。城中春意如何態。大下馬前萬馬聲。

憂菴云。大下馬前。作大手櫻田。

嘗盡塵區萬苦辛。又將閑廢遇佳辰。新調急欲托雙

鯉。憂菴曰。調平。用有例乎。壽解無因獻二親。城市喧闐朝賀客。

睡眠安穩繫囚人。月性云。謂福堂。所人間榮辱何須問。曙色

雞鳴天地春。

憂菴云。城市睡眠。疎對。城市作趨走。若來往。否則睡眠。作園。是。

次富永韻

幽囚不恨送青年。已將身跡附蒼天。世上風波不到

處。靜對遺編意悠然。鶯語定和竹溪陰。梅花應笑野

水潯。月性云。定應。二。春回物新吾無心。心中猶自思

古今。君謂何日請長纓。羈王致闕酬聖明。彼蒼月性云。呼

應妙 萬古眷神州。何棄孤臣報國情。

憂菴云。中一解四句。每句押韻。一篇生色處。

四日寄玉叔

為官愛恬靜。移居住清泉。松江繞屋後。韓峰當軒前。俯仰山水間。頗得脫俗纏。北斗值建寅。雞鳴催曉天。邦俗重賀正。拜趨三朝連。今朝僅休暇。門庭轉悠然。想君指山水。一笑祝新年。

月性云。穩雅可誦。蓋亦慰藉之詩。○憂菴云。末二句亦坡筆。

思友詩

寬按平翁信濃佐又問象山也。蓋生長門金子重也。田城子官部與藏永子永鳥三平佐子高原淳次郎共肥後人也。蓋生憂姓名松茂。松太郎佐子時稱佐及故云。

墨奴蔑神州。巨艦逼武昌。廟議重勞民。月性云。忍成

城下盟。蒿目閱時事。憤懣發為狂。上知雖難企。聊欲究八紘。平翁真吾師。期我以非常。澁生真吾友。聞之急沼裝。西方田城子。別魂欲飛揚。寶劍脫相贈。重之以詩章。皇猷豈不顯。思之勿暫忘。佐子忠貞士。氣節凜如霜。血淚收不得。泣誓維皇綱。分手不忍去。解衣加我裳。雄豪獨永子。勵吾進取情。離筵不敢泣。言短意偏長。月性云。勝長哥哭。笑出方輿圖。指点送吾行。三子誠憂國。望我或有成。岐路叮嚀語。語々徹中腸。法網密不漏。戮辱墜其名。悲夫拙劣才。期望負友生。罪斷送故國。幽囚坐圜牆。澁生罹篤疾。彌留半歲強。平翁信

野裡山河三千程。憂菴云平翁淡生前叙各僅二句至此亦各以二句歸重二人賦面極好夜寒四無人。愁思正茫茫。憂菴云李都尉廟議杳

難測。夷情深巨量。就枕耿不寐。神飄天一方。月性云人問古今未曾有送別紀出分明句與慨言悲憤勝讀荆軻傳○又云其誤事亦與荆軻同一歎然彼一敗解體此則生歸哉且母邦以養

次家兄韻 七日

幽囚閑無事。晏起聊送春。却勝紫陌裡。終日走黃塵。

讀書 九日

成敗古今端緒多。賢豪環視意如何。居閑初覺書中

味。妙境向來徒放過。

憂菴云佳則佳但未免宋派耳

遙憶瑞泉寺上人

山光竹色入窓青。方丈幽深倚錦屏。今我為囚空憶昔。月中一夜叩雲扃。十日  
長程始返還投獄。咫尺家山不可攀。半夜幽魂伴雲月。天台峰下老禪關。十三日

憂菴云真境真詩

次大槻詩 並引 十三日

大槻詩不待論。狂詩一篇浮薄淺露。無鬱蒼之



色淳厚之氣。意必好事書生之所為。而非精忠  
憂國而然也。然使人一誦稱快。則亦過大。概詩遠  
矣。今試因韻布字如此。辭雖不及二詩。天下後  
世或有悲其志者。

英雄志定守以一。詢謀僉同龜筮吉。畢竟大計無多  
緒。外張威武內富實。洪水汎濫誰塞源。長鯨怪鱷幾  
秋春。神禹逝矣世寂莫。孤舟失舵不知津。衰宋畏敵  
議和好。僅策戰伐目為暴。醫兒邪說何暇論。待看邊  
塞有捷報。

憂菴曰。文字老蒼。唐有杜韓。明有李何。古今來數  
人而已矣。○又曰。韻脚牢確。動搖不得。讀者不知

其次韻。○月性云。予友西肥。西在三郎。亦嘗以此  
詩韻以寄示。其作大槻。與我兄同意。而語句穩當  
不及此。詩遠矣。

送玉叔東行

早發都門意若何。慨然踏破萬山河。不恨幽囚違出  
餞。待看它日唱凱歌。

哭澁木生

本稱金子重輔。有故更澁  
木松太郎。又稱市木公太。

驛舍與君訣。匆匆不盡詞。囚繫在各所。消息不相知。  
江海吞舟魚。徒困半畝池。籠鳥失故林。未忘群飛時。  
鼓角自晨暮。會見不知期。夢魂尚相逐。聞訃却自疑。  
豈計生別離。更為死別離。

月性云、語短情長、淡生足以曠、○憂  
菴云、古色鬱蒼、亦有李都尉之風、

與姪萬吉

昭按、妹千代所生、兒玉氏男、

萬也近如何。不見又一年。已免父母懷。未立師傅前。  
仲父坐牢狴。晨夕守遺編。愛汝無助之道。古附詩篇。  
憂菴云、下王尊  
孟母是道古處、王尊叱九折。孟母樂三遷。分陰師陶  
侃。一經慕韋賢。忠孝誠可貴。學問為之先。萬也汝善  
聽。長江有深淵。

憂菴評、九三分一、雖似苦思探索、自  
然妙對、吾敢詩人視、吾敢笑博士視、

讀僧月性詩

二月二日○月性字  
知圓、号清狂、周防人、

余耳月姓名。且十年矣。未目其面也。聞月性鬢頂

緇衣。耽詩使酒。宕跌多奇節。今得其詩而口之。頗  
得其心矣。耳目姑廢可也。

數朶梅花滿坐香。三稜槍刃發硯光。清狂和尚聽吾  
語。清未足奇何若狂。

月性云、稱揚過當、  
不敢當、不敢當、

名利寰區質作真。誰臨大節致其身。堂々君子何顏  
面。方外却看憂世人。

憂菴云、三首皆佳、但數朶  
一首、鸞群雜鷄、非其類耳、

曾將專念主為讎。儒士而來交口尤。豈圖文教隆興  
后。扶植綱常屬緇流。

憂菴云、拗射。又云、緇平用。

雄文不但若長川。性命乃期為國捐。安心借問如何處。楠子墓邊卜墓田。

憂菴云、又拗射。

送貞甫東學

太山丘垤不難知。行潦江河非可欺。周道君看三百里。平々何曾有多岐。

月性云、篠崎小竹送人七古、亦有言此意。

豫讓

名分拋來輕似塵。便將侯位附陪臣。豈圖禮教一空

後有此感恩知義人。

月性云、賴山陽咏山中鹿之助亦此意。然僕不取豫讓。○憂菴云、此詩必因温史而作者。然温史記豫讓以初字追敘。曰事今云使侯位附陪臣。又云後事實錯。乱讓事在三晋為侯之前三十余年。

王蠋

七十餘城悉屬燕。燕師精銳向無前。艱難不屈平生志。晝邑獨存王蠋賢。

月性云、無味。○憂菴云、此等詩、今日士人項門一針、月性狂衲妄評漫下罪不容誅。○又云、忼慨悲壯、憂國之情、溢于紙表。九首中、予特取是二首。○又云、與田單詩、吾兄自迷其志、概不得尋常視之。

田單

妻妾編行身把鋪。精忠感衆々心堅。却憐霸國資餘

業收復功名屬市椽

憂菴云與王蠲詩一意但吾兄所願安平君耳○又曰吾兄雖願安平君恐為王蠲性質自然耳

紀信

事急滎陽群策瘞陣平反間未平難不憂誑楚身燒殺正是項劉成敗關

劉章

青年氣力獨朱虛拱手陳周泥塑如異時擊產廷中膽已在稻田歌發初

月性云陳腐○憂菴云月性善詩其評人詩亦當而此稿評屢失此作吾兄寓意評云陣腐可乎○又云予平生喜朱虛吾兄亦有取乎○又云吾兄它日十八回之猛已在單身入海日

路中大夫

膠西膠東菑川王圍齊臨菑

三王圍急欲降城一語還勝百萬兵臨節致身吾所重恨它青史逸其名

月性云頭幽闡微咏史中不可無此體

蘇武

節旄落盡不謀生身是漢朝蘓子卿十有一名麟閣上憂菴云十分詩才鬢毛蒼白最分明

温序

校尉温序為隗囂將苟宇所獲宇曉譬數四欲降之序大怒叱曰虜何敢迫脅漢將因以此義士死節可賜以劍序受劍而死

漢臣肯受甘言誘持節過人殺數人堪想英姿驚敵

將能令無禮不加身。

范粲

魏主曹芳之廢也。大傳中即陳雷范粲。素服拜送。哀動左右。遂稱疾不出。陽狂不言。寢所乘車。足不履地。口不發言。三十六年。年八十四。終於所寢之車。

魏臣敢履晋方輿。三十六年寢一車。篡奪震區稀節。義不言范粲有誰如。

獄中作

世路悠悠幾險夷。功名笑不與身宜。沮洳樂國吾滋信。囹圄福堂人未知。猛虎元多居穴日。死灰何復有然時。疇曩豪氣向誰說。聞盡庭叢蟲語悲。

憂菴云。名作。○月性云。兩聯皆用典。卒讀不覺之。最妙。

追和象山先生感懷作并引

辛亥歲予始謁先生於深川。鄰舍問及漢蘭學藝事。先生反復開示。遂手錄其作見示。實五年前也。頃在野山獄。求家藏故書讀之。偶得先生所錄為。不堪感慨。乃步其韻賦之。

忘我囹圄苦。憂人家國圖。木不可無繩。鑄不可無模。我原乏學術。而不敢自誣。憤排求開發。欲反以三隅。灰死亦何惜。且讀五車書。中山路何在。迢迢鴻鯉疎。望洋失舩筏。不知其所如。

月性云。字々自肺腑流出。不求工而自工。○又云。義卿五古每篇皆妙。所謂優入作者域者。○憂菴

云中山已下如讀古樂府與草木猶有類作可以并馳

九月二日聞公駕啓行恭賦藩例駕以三月發去冬地大震東道驛舍大壞公又有病因緩其行也。

儀衛千程役武江。堪想金谷列熊幢。臣蒙彥謹坐獄。牕窈思時事感滿腔。傳聞驕虜未請降。要津東西來。解艘吾藩門望元無雙。威武一震新舊邦。

月性云雖詩不甚佳亦杜調杜意

九月七日書憤

獄昏以司獄意許夜讀點燈已而事出誣妄

點燈復禁廢讀早卧因作時課莊子

風前燈滅夜悠悠。世事浮沈水上漚。園土自今眠正好。且為胡蝶學莊周。月性云結句不得已之語

次浮屠默霖韻却寄默霖号雪溪安

三百諸侯列土田。月性云徒列土田而已矣不勝浩歎醜夷勿漫致巨。船。堪想錫飛跨嶺日。東洋睨盡與天連。

曾行天下索人豪。竒傑寧圖屬法袍。忍見滄溟橫怪。鯨將投鐵錫代霜刀。兵驕將怠時機去。塗說道聽言。語。磬幽繫時聞方外偈。還思塞上朔風高。

戲言

木阿言集卷之七  
姬昌易卦作囚明。丘也春秋不試成。自古英雄多不  
有。天之待我亦非輕。

月性云、抱負不亦  
偉哉、僕亦欲云々、

書感

獄吏辱安國。死灰不復然。漢史記其事。昭々千歲傳。  
今吾縛法網。屈抑有誰憐。平生有所志。鑛璞肯自捐。  
千磨玉彌瑩。百練鐵轉堅。月性云、二  
句則妙、楚人足已刑。豐  
城人久仙。吏昏視吾曹。曾不直一錢。言語動謬戾。錯  
置或倒顛。長者誠難企。國器冀先賢。唯存忠厚意。自  
不愧昊天。月性云、  
亦妙、

月性云、全篇過發露、蓋憤  
懣之餘、不覺鋒銳皆露耳、

九月十八日。有憶象山先生。去年今日出江都。  
獄與先生別。用大昨年今日去江戶時先生送  
別詩韻。

草木猶有類。禽獸猶有群。茫茫天地間。單獨圜牆人。  
榮利心全灰。功名路無因。鴻鵠失其翼。欲翰高九旻。  
因思去年事。浮雲忽失隣。變遷雖切懷。周歲不可聞。  
昔為膠與漆。今為參與辰。清風明月外。無復吾室賓。  
憂菴云、聲調典雅、去古未遠、五古予尤服此篇、○  
又云、結末四句、韻詩之妙、至此乎極、○月性云、點  
出風月二字、  
其味無窮、

讀曲足子詩依韻書懷

功業逢遼豕。文章見蚩冷。口舌擊胡虜。雋俗辱林垧。  
節序秋方至。士林轉凋零。故人不可見。千里雙眼青。  
憂菴云。故人二句。情到欲絕。忽自悲酸。悲風鳴戶隙。陰房千里字起。悲風以序景。益見悲酸。畫亦扁。却憶漢家業。幕南尚王庭。商於任人詔。莫復問騷經。  
曲足子詩曰。手滴衰蘭露。珠朱點騷經。

九月廿四日。遇亡妹露英十三忌辰。

賦之

露英凋落跡全空。知否阿兄園土窮。鬢鬢十三年外事。墳前荒草暮秋風。

有憶同門生蟻川賢助

象山高突兀。雲翳可仰難。何日天風起。快望狡猊蟠。  
鯨鯢橫溟渤。跋扈窺釁端。已得借地計。又欲測海濱。  
廟堂諸君子。何心袖手觀。護病忌醫藥。酖毒甘宴安。  
雷同投時好。枉供一笑歡。未見氣吞羯。唯聞語作蠻。  
索居思益切。同學獨有君。礮技覈新舊。橫文譯啗蘭。  
近應大國聘。杖策謁軍門。願成象山志。更起一峰巒。  
孤囚在園土。暗燈照影單。願托北飛鴻。為報酸在肝。  
月性云。比興宛然。語意深切。此首亦五古上策。吾輩無間然。○憂菴云。氣足文達。音節妙。殊無緩緩之態。○又云。索居突接更好。



廿九日。王母實相大師十三忌辰。恭書  
至痛。

蟋蟀近牀下。窮秋僅二日。霜露氣冷々。怵惕若有失。  
因憶癸卯年。今月荐憂恤。小妹先升仙。舉族半篤疾。  
是日天氣惡。乃值王母卒。孫寅甫十四。聞見得粗悉。  
吾父素清貧。是時始穎出。吾叔未為官。儒林收秋實。  
王母早寡居。廿年獨据拮。孟母三遷家。湛氏或截髮。  
父叔孝思純。乃蚤違親膝。負米情難忘。風樹感尤切。  
爾來十三年。吾家反襲吉。父叔官正成。粢盛頗豐潔。  
諸孫各抱子。龕前捧柑橘。幽明路若通。今日神悅必。

寅獨在拘囚。至痛殆欲絕。

月性云。真情真詩。此等文飾却妙。

秋盡夜書感。昨來地震殆二十次。

幽囚日月速。九秋此夜過。人定比舍聞。獨坐愁思多。  
三光翳雲霧。四海起風波。墨魯勢已爾。暗拂情如何。  
天地降變異。陰陽失其和。昨來地荐震。過慮破山河。  
天道不可度。無乃人事差。願借撼坤力。一震殲妖魔。  
孤憤無所訴。鬱胸自撫摩。陰虫響時絕。四檐雨滂沱。

○月性云。納亦同。慮同。願。所欲。自言者。兄先言。盡為。下。脈。通。達。文。勢。自。順。再。讀。之。曲。折。斷。續。深。得。老。杜。乃。知。作。者。結。構。之。密。若。如。予。前。說。則。平。夕。語。耳。

漸作一時註自誤佛或拂云寬

十月朔夜讀後作。

吾聞古人語。冬者歲之餘。陽月方初吉。隕擇忽傲予。  
夙興開帙坐。至夜目猶魚。聊引鄰舍燭。漸盈腹笥虛。  
道義樂不倦。利名念愈疎。屈抑雖終世。寧負立志初。  
歸趣究同異。遺漏思補苴。三冬九十日。先定課程書。

月性云。凡別有三  
餘說。不必贅此詩。

十月四日。公駕當達江戶。恭賦。

五馬東征三百程。夕期今日達江城。妖氛漠々昏天  
地。壯士連營何若情。

夜抄高青邱詩。因題。

兩歇燈寒更漏遲。高青邱集讀殘時。姑蘓風景閑過  
去。細抄思親思友詩。

月性云。作  
者以情勝。

夜讀後書。余魯質劣根。讀書極鈍。略計一年中。  
當不過五百卷。則讀萬卷書。須用二十年。故云。  
獨咲欣然味有餘。知他快樂萬無如。廿年願得安叢  
棘。讀盡人間萬卷書。

讀莊子

彼此同存一是非。太初何更有成虧。假令斯說被皇  
域。誰復尊王攘四夷。

月性云今古讀南華作如是觀者  
唯我義卿一人而已敬服敬服

樗櫟十仞免斧斤。不材無用好全真。莊生誰謂百家冠。徒醒名利沈溺人。

十月二日夜江戶地大震。火熾起。邸第市廛焚蕩殆盡。時吾公東觀未達江戶一舍。駕宿嚴驛。以故從衛無災。三日入麻布邸。得一亭。十四日。事聞荻城。且驚且喜。乃作短古。

天得一以清。地得一以寧。月性云二句一篇綱領到此底以得一二字為線針此  
篇結構周密可歎今士德憂庵云轉換大好又云前後罕比。士德雖取詩語士作人更好二三動無成。好德更好色。議和又議兵。天日豈不

昭。武臣愆忠貞。人事不可謂。天災荐流行。大地與滄海。頻年幾震驚。今茲初冬日。又震江都城。加以回祿災。及諸將營。哀哉百萬民。活火鼎中烹。變定後一日。公入得一亭。隊伍無擾亂。旗鼓無變更。皇天於吾公。眷佑亦非輕。吾公勞王事。攘夷志最誠。掄才起廢銅。遠色放妖嬖。無乃彼蒼者。高處以下聽。或曰地震者。陰盛發且揚。陰象為婦女。群小與犬羊。三者盡除去。坐見百祥生。吾公得一德。月性云吾公五字有千鈞力。兼得一字。婦之君上何等意。五。又云一德用尚書字。作者筆端真有造化。敬々服々。習坎久必亨。願使天益清。願使地益寧。

月性云、起結兼應、常山蛇勢、

十月廿四日。憶亡友澁木生。

去年今日與君別。一別遂為永世訣。棘垣鑰戶身儘安。宿草荒墳恨漫切。死者無知將有知。料識幽魂遂未滅。鄂羅議疆允所請。花旗求炭洋不閉。最是難測。啖咭喇。突然貢艦來不絕。瓊浦豆海與箱港。枉附豺狼營窟穴。君逝一年事百變。生無可樂志將折。幽魂鬢尚來。享酒醴維清。染盛潔。

月性云、氣韻流動、意思悲脆、義卿七古以此篇為歷卷、然有憤懣之志者、不忍多讀、○憂菴云、月性深取此詩、實是詩聖坊主、○又曰、此作極好、但章法頗近五古、古人曰、七古章法、須波瀾開闔、頓挫激昂、

今此作、雖句勁語促、而局面自平、夕然、比之近時詩人者、流七古音節、緩慢、脈絡不通、則亦為大勝、

十一月六日。家兄伯教舉一女。書喜寄

呈。

蝮蛇夢祥吉。設悅門之右。命名煩乃祖。洗兒情隣婦。端麗貌可想。蛾眉與螭首。合家沸歡聲。酒食旨且有。乃叔在園牆。賀詞命筆走。預期才色美。可當君子偶。且祈康而寧。遐壽及黃耆。吾族素盛大。得爾昌厥後。先知親意悅。更知祖寵厚。

月性云、結二句削去、何如、

鳥山確齊失母居喪。哭餘有作。久保清

十二月十日

太為予轉寄。不勝感悼。依韵言情。  
 一别匆匆幾月日。故人消息不可悉。鴻雁忽傳天涯  
 信。驚君風樹事定實。懷抱難忘愛三年。及哺齋志慈  
 烏先。先平也。言慈烏為之先也。非言為慈烏所先也。冬夜沈々燈滅後。想君  
 苦塊不能眠。蒼天悠々吾誰禱。人世范々天誰保。三  
 嘆起加瓶梅水。寒葩瘁盡花亦老。嗟吾拘囚無還期。  
 圜牆叢棘長在茲。關心最是堂上親。定省于今三歲  
 虧。光陰百代逆旅客。奈何一身萃百責。養親々逝君  
 誠。凡親在不養吾更凡。

月性云。救點二句。有景有情。深得詩法。三昧者。蓋作者不用意而得之。頓悟之妙。敬服々々。○又云。

出獄後。寄在獄富永有隣。用其贈詩韵。

嗟吾以下。字々血。句々淚。讀者腸斷。○憂廢云。情詩并佳。歌辭之不可已。於此可見。

君不聞杖節牧羊蘓子卿。十有九年之節麟閣畫圖  
 千歲稱。又不聞應募使胡張博望。具言地形能使漢  
 軍食足氣自增。吾昔讀史至二傳。麤豪氣吞萬鯢鯨。  
 嗚呼命乎時乎可何如。誰憐鮒鯽苦網罟。擠之下石自古  
 然。何怪謗議忽沸騰。諸老先生交毀短。市中少年亦  
 欺凌。入獄竒遇得竒士。互把青史論廢興。修程勵志  
 策跛蹙。微旨耽思矻昏瞢。臨淵羨魚知無益。退結垂  
 天絡地繩。歸來无復獄中快。戰々競々踏薄冰。禁足

謝客絕交際。埋首為蠹對孤燈。親舊猶為蠹豪恤。比  
之醉漢無憑凭。吾乃語曰子卿博望已矣夫。飯疏飲  
水卧曲肱。

月性云。罔園果福堂哉。○憂菴云。結末引聖語有  
力。就子卿博望之不可為。却說子卿博望不足為。

### 除夕書事

吾本東西人。飄然無定所。回思五六年。燈前獨自語。  
鎮右庫成遊。歸來中大呂。閑左辛亥行。迎春在逆旅。  
壬子蒙放逐。癸丑策邊禦。乃及年甲寅。蹉跌苦囹圄。  
今茲臘月望。免繫入室處。譬如畜池魚。始舍尚園々。  
禁足且謝客。與世道自阻。作文五十篇。讀書五百許。

一年了課程。今夕轉容與。身無一錢資。室無半龔糶。  
理義味有餘。英華含且咀。篇章瓊瑤場。采々厚自貯。  
俗客吾所厭。尚友足儔侶。方輿雖廣哉。寄諸毫與楮。  
偃息堪沒身。無復事豪舉。

月性云。父母在者。不得不云々。

月性云。紀事簡潔。足以觀作者履歷。此等之作。貴  
稿中不可欠者。○憂菴云。義卿五古。每有一種。妙  
處。殆逼古人。

浮圖師清狂。有贈予長篇。每句押韵九八十脚。  
稱揚過當。非所敢居。獨其語氣雄健。且立頑情。  
予歸家來。例不與世通。及讀此詩。不能默々。  
断然破例。仍韵和答。但才小力弱。已苦其長。又

為韵所窘。自覺醜穢滿紙。雖然上人之盛意。吾其可不答哉。

清狂上人才千里。英氣浩々江河水。周行車堅馬又駛。青年已究佛宗指。教化所覃無遠邇。自許有成期。月已楨幹兵革何必峙。袞裳為甲法為壘。維嘉永六癸丑祀。城下盟成春秋耻。夷情反覆難爾々。現出蜃樓與海市。庸謨依違交張弛。涇渭誰能分亥豕。國患自是無涯涘。人言覆餗折鼎趾。上人奮曰我雖方外誓倡始。怒過戶限折屐齒。禿髮寸餘鐵錫偉。聚衆痛哭顛狂似。謂王土臣無人己。何心枉道乃從彼。如是

大變可坐視。四種報恩惟一軌。教遍水濱與山麓。闔國民心乃可倚。待戰備如舟已艤。同心一力似束葦。異日苟有邊釁起。莊宗告成還三矢。百戰百勝捷書委。何有於博姑彼理。君不見佛法東來幾灰死。燼餘更為儒風禡。因果弑君固逆矣。功德度僧亦害耳。厭政逃禪事非美。奉法離主義可辜。蠢民何識敬桑梓。高僧已誇違怙恃。君家祖師聞義徙。人倫道備序高庠。親義天性存蜂蟻。何言佛法橘化枳。上人崛起割隴髀。能使跛躄企步跬。空門災厄除自此。儒釋何分非與是。吾嘗學儒未得髓。致君澤民非所擬。雖焚膏

油以繼晷。五鹿無資印累々。詞章不屑玩小伎。漫談古今掌自抵。弄文敢望筆振綺。作賦不須門著紙。上人愛吾如嗜昔。囚繫不肯比奸宄。吾聞上人己一紀。正間曾自惑朱紫。近間為國陳臧否。不畏強禦獨立。愧始駭神州真男子。今若不以更孰以。智愚從來相倍蓰。畢生定論蓋棺俟。漫許周旋執鞭弭。從君中原共進止。一箭發處殪大兇。曠古功業收手裡。利刀鈍椎皆器使。宇宙萬物都委靡。然後大道起基址。百家九流歸一體。放彌六合分京祿。鑄成百世不惑壘。人心公正無淫比。文質彬彬非野史。一喝呼起鄒魯士。

再喝呼起瞿曇氏。

月性云有力如虎原作視之猶狗鼠耳况溢羨滿幅期望太過僕非其人讀之報然面熱但捧讀之脚以表敬服并拜賜之意○又云佛法之弊誠如句々所論傍觀大明眼光如炬○憂菴云莊宗一已下十數句韻脚頗牢大抵次韻詩以礎見才耳○又云結末數語縱橫馳騁意到筆到儒釋雙結益見筆力

寄玉叔戌相模

介馬從軍守海營。亞夫令嚴意還寧。半夜風濤驚客枕。應為故山松籟聽。

聞小田村士毅歸家寄之



世事全追雲雨更身蹤何恠萬枯榮想君伸盡千程脚笑向妻兒說旅情

賀小田村外侄阿篤初值重五

此詩全從

旌旗翻風氣象雄假兵塑馬又小弓

默霖云昔蝦賊

家樹旌旗列武器賊悞走天下賀之時重五日也邦至今傳之所以為神武邦也予未深考姑錄之

俗重五賀生兒古風存得一堂中不做江南試兇術

漫陳弓矢與紙筆不做荆楚吊屈平飯筒投處分流

汨外姪弄璋二十旬採艾今日值佳辰癡叔不癡又

不死詩句偏逐榴花新期汝播穫紹父祖縱觀古典

却戎甯天家遺策至今傳好斬夷酋復上古

憂菴云隔句對必轉韻者登々菴說然古  
人未必不轉韻者要之轉韻者多例耳

讀林隱士詩用其韻寄懷

凌雲翼折籠樊苦預卜百年功業虛無緣靜處玩山

水却把舊書校魯魚田蛙聲聒水渾始林鳥魂驚花

落餘枯榮到底草頭露人世過當是毀譽

又云泥作水始作初餘作後山水作風月虛下接  
林鳥落後接田蛙以前聯為後聯倒置到底枯榮

世作生當作實毀作讒如何拗體律詩到底古人  
集中偶見不可學耳○月性云聲作鼓魂驚歌悲

如何憂菴云鼓不如聲上人蓋拘声律耳恐艸卒  
下評不知此詩物體也

又

悠悠人事豈終窮坐感乾坤造化功毒霧任他妬缺

月落花何必憎狂風。未能渤海斬長蛟。且向蒼冥望斷鴻。十歲斯心與誰語。孤燈照眼徹明紅。

憂菴云蛟兩用否○又云妬缺作透朗憎作恨何如

寄懷林隱士

東起關左西瀕海隅。曾遊回首夢亦陳。獨坐園牆讀地圖。神州形勢常山蛇。躍々蜒々劃海趨。有首有尾救其中。八十一鮮莫深居。四海割據事已矣。萬方一家同車書。舟馬通漕運。男兒酬桑弛。北筑高士林先生。飲盡巴城市上醕。醉墨縱橫驅老叫。來襲幽壑潛蛟區。吾潛幽壑無復眼中人。久違杯勺學仙癯。今朝

對此忽一喝。馮婦攘臂又下車。筑與吾長一峽隔。犄角堪當西海樞。願糾水兵絕溟渤。同掣長鯨伸天誅。我曾宰府至筓崎。敵國降伏想當初。吾長豐浦宮存址。永與香椎巍々乎。

憂菴云無復眼中人。五字改作眼中人已無。又用複韻。以為振蕩之勢。何如其屢用複韻。有變化波瀾耳。○古能事已極矣。蓋以其屢用複韻。有變化波瀾耳。○又云。陳作祖。獨坐句削之。曾遊一句為單句。神州句作神州形勢。常蛇圖。複韻何如。○月性云。士作傑。先生作隱。士驅老叫。作走風雨。如何。○又云。我曾一句。作我遊筓崎。少躊躇。址作墟。每句押韻。何如。○憂菴云。起手峻潔。結末餘韻。愆然不盡。與山河襟帶作共為。壓卷清狂。不顧者。吾不解其說。此種作豈易得乎。

寄從弟毅甫戊相模

三千路雖邈。尺素情可通。喜子習武技。兼勵讀書功。

吾亦脩舊業。聊慕昔賢風。昔賢亦人耳。古道豈難窮。  
壯志華嶽傾。豪氣天地空。直把萬古憂。任此八尺躬。  
未暇花月賞。肯羨利名叢。男兒不如是。何以對天公。  
蕭々孤燈雨。作詩寄阿戎。蕭々句一作  
孤燈明又熾

憂菴云。選詩氣象。不喜古者。必以為樸質不足取。

挽前參村田翁 失稿

仲秋 是夜陰已而晴

雖有磁器。不如策勢。舟楫已具。巨川可濟。勢有難易。  
器利鈍。持此可以論百世。今宵探月々不見。欲寢未  
寢。心猶繫。仲秋求晴。多得陰。默計二十有六歲。強歌

一曲因舉頭。月華未麗聲。何麗強飲一杯。又低頭。陰  
雲未霽。悶何霽。可憐器鈍當難勢。安向古人繼餘裔。  
苦吟夜久語益澁。憚人悟歎哀契々。月性曰。因  
作偶為可  
男兒不能駕。艤艘驅鯨駝。大究五洲之形勢。高卧猶  
當貫古今。挾聖賢通論千歲之經濟。憂菴云。起二句。  
吾兄出處進退  
本領具在不然汲々營々亦何為。其死其生無關世。吾曾  
誤失浮海桴。更陷吏議苦囚繫。囚繫非復世間情。圖  
書悠々度芳歲。今宵佳期屬三五。容光猶窺月華麗。  
四時有月皆可觀。最好秋天萬里霽。自古有月照至  
今。更自華夏及荒裔。月也有明無不照。天上獄中默

相契五洲一作萬國

舊作

癸丑十月朔拜鳳闕肅然作之時余將西走入海。

山河襟帶自然城東來日夕憶神京

馬島昭云後先生改此句作彤勝

依然舊神京今朝盥嗽拜鳳闕野人悲泣不能行上林黃

落秋蕭瑟後改作秋寂寞空有山河無變更聞說今皇聖明

德敬天憐民發至誠憐後改作愛鷄鳴乃起親齋戒祈禳

妖氣致太平禳後改作掃安得天詔勅六師坐使皇威被

八紘坐後改作直從來英皇不世出悠悠失機今公卿人

生如萍蕪定在何日重拜天日明

是寅癸丑十月拜禁闕作也後六年有八十八卿

詰闕抗疏之事天子聽納敕諭汗發而四方不能

遵則外藩更可愧也已未五月下院藤寅錄昭按

安政六年先生死節歲也

憂菴云上林一句無限悲慨○又云雄渾悲壯老杜後身使李空同見之一唱三嘆○月性云人生

一句改作西遊万里來梓去如何

書金華知來抄後甲寅獄中作已下八首並是

四海風塵羽檄馳生擒夷將定何時滿胸心事說難

盡獄舍孤燈抄古詩

憂菴云起二句江寧佳處○又云說難盡三字稍劣○又云此等七絕本邦諸名家所絕無唯落句雖佳稍覺宋真○月性云古字多少含畜

立春後暴暖

無由郊外弄風光。縲紲於今十月強。今朝有喜君知否。輕暖恰佳遊睡鄉。

憂菴云拗躑○又云二首坡翁氣象雖非絕句佳境神韻自遠

十二月廿二夜夢朱文公

百念灰來都漠然。昏々日夜只安眠。却知一事未忘得。夢裡時々遇古賢。

梅二首次富永韻

一朶寒香不世情。獨依竹石認殊榮。李白桃紅亦何意。名園枉自費經營。

憂菴云拗躑

勿言寒素不趨時。雅致由來與俗違。雪壓瘦枝人未問。孤清時有谷鶯知。自註時有一作早被

寄澁水生

生時在別獄伏病

松生痼疾近何如。音問寥寥兩月餘。為問病間體安際。有無精力及文書。已舉百花付蝶蜂。斷無春事介吾胸。猶記陶令舊詩句。依然冬嶺秀孤松。

歲暮

幾度月盈還月缺。無端花落復花開。年光未必一朝改。壯士休為歲暮哀。

憂菴云、絕句而樂府體者、

吾兄詩主骨。不主色。今予特取骨色並存者。恐共作者意。然詩尚鍛鍊。骨勁色深。而後可誦耳。

憂菴口羽琦妄評多罪多罪

松陰詩集卷之上 終

御子神藏書

